

গায়ের ডাক ।

পাড়াগায়ের ধু-ধু ক্ষেতে,
 হ'য়েছে আজ ধান ;
 মুখ তুলে সব ডাকছে তোদের,
 "ঠেক রে সোণার প্রাণ ।"
 গুরে বোঝা-বুঝি বেঁধে নেয়ে,
 সময় আর ত নাই যে রে,
 চলরে সবাই তরা ক'রে
 চলরে গেয়ে গান ।

পাড়াগায়ের ধু-ধু ক্ষেতে,
 হ'য়েছে আজ ধান ।

নদীর ঘাটে, বাঁকা জলে,
 ডুয়েনি ভাসে তরী,
 গায়েরা বেঁধে, সবাই মিলে,
 চলরে দ্বিবি পাড়ী,
 খোলা মাঠে থাকব শুধু,
 আসবে নেমে সন্ধ্যা-বধু
 সবাই মিলে ধরব শুধু
 মাঠের মাঝে তাস ।

পাড়াগায়ের ধু-ধু ক্ষেতে
 হ'য়েছে আজ ধান ।

সবাই ক'রে, আদর ক'রে,
 "বাছা আমার এলি,
 "দূর বিদেশে ছিলিরে তুই,
 "দেখি নয়ন মেলি ।"

পড় বি গিষে মায়ের কোলে,
 ছঃখ-ব্যথা যাবিই ভুলে,
 রাখবে তোকে বুকে তুলে,
 বুঝি কত টান ।

পাড়াগাঁয়ের ধু-ধু ক্ষেতে,
 হ'য়েছে আজ ধান !

তাড়াতাড়ি সকল কাজ,
 সেয়ে নে ভাই আজ,
 পূজার সাড়া হ'য়েছে রে
 সাজরে সবাই সাজ ।

চলরে সবাই আপন মনে,
 মধুর হৃদয় গাঁয়ের পানে,
 থাকব সদাই পাখীর সনে,
 শুনব কত গান ।

পাড়াগাঁয়ের ধু-ধু ক্ষেতে,
 হ'য়েছে আজ ধান ॥

শ্রীভোলানাথ মুখোপাধ্যায়,
 দ্বিতীয় বার্ষিক 'শ্রেণী 'বি' শাখা ।

১২/৪৫